

545.

1396 Juli 6

Die Stadt verleiht Geld.

fol. 89r ^(a)Wisset das wir Hennel Spylern ^(b)unde synen erben^(b) geligen haben 10 schog gr von Scharschuchs kinder gelt umbe einen cyns, davon sy alle jare sullen^(c) cynsen eyn schog gr, halp uf Michahelis, halb uf Walpurgis. Davur er zu phande hat gesacz syn huws und hofe^(d) uns der stat an der kinder stat. Wenne er ouch der pfenninge ader syne erben nymmer haben wollen, so sulen sy daz ein virtel jares vor uf sagen und den cyns mit den 10 schocken richten. Ouch wenne yn dy stat dy phenninge nymmer wollen lazyn, so sol sy yn daz ouch vor ein virtel jares ufsagen, alz vorgeschr(ieben) stet. Actum M^o CCC XCVI octava Petri et Pauli.

a) alles durchgestrichen b-b) über die Zeile geschrieben c) folgt durchgestrichen zu d) folgt durchgestrichen da

546.

1389 Mai 1

Die Stadt verleiht Geld.

fol. 89v ^(a)Nota census de pecuniis puerorum Scharschuh 70^(b) sex. expositis ut infra. tandem addiderunt census quinque sex. et sic faciunt 75 sex.
 Wisset daz wir von^(c) des Scharschuchs kinder gelde gelihen haben Haneman Lemberger und allin sinen erbin zcehen schog mysner gr zcu zcinse, davon sy zcinsen und zcu zcinse geben sullen alle jare oin schoc gr, dy wile dy phenninge nicht wider bezalt sint. Den czins sullen sy geben halp uff senth Michels tag, daz ander halbe teyl uff senth Walpurgen tag und sullen den uff icliche tageczit brengen und geben den bürgern, dem rat uff dem rathus. Vor daz gelt und den czins habyn sy gesacz zcu phande ein stucke ackers gen dem Schütlers burn in Osterwener gerichte gelegen, der von dem rat zu lehen get und eine wyse, di an den selbin acker stöset und dy lange wise, dy Lazans ist gewest, gelegen zwichen Frolichs und Caldenküchs acker. Actum M^o CCC LXXXIX die Walpurgis.
 Cives habent de pecuniis praemissis 15 sex. gr.

a) alles durchgestrichen b) über die Zeile geschrieben, auch durchgestrichen 75 c) über die Zeile geschrieben